

靈寶領教濟度金書卷

二百二十八之  
二百二十九



靈寶頌教濟度金書卷之二百二十八

二百二十九同卷

洞微高士開光救苦真人竊全真授

靈寶通玄弘教水南先生林靈真編

科儀立成品

雷霆齋  
合用

宿啓儀

啓堂頌

各禮師存念如法

宣衛靈呪

五星列照 煥明五方 水星却災 木德致昌

熒滅消禍 太白辟兵 鎮星四據 家國利亨

名刊玉簡字錄帝房乘飈散景飛騰太空  
出入冥無遊宴十方五雲浮蓋招神攝風  
役使萬靈上衛仙翁和與道合真

鳴法鼓二十四通

無上三天玄元始三炁太上老君召出臣身

受文二

中三五功曹左右官使者侍香金童傳言玉  
女五帝直符直日香官各三十二人出出者  
嚴裝關啓玄壇天帝神君當召此間土地里  
域真官正神急上關啓臣今奉為入意以今

宿啓建齋行道願得

玉清道炁靈寶妙光下降流入臣等身中即  
使玄壇清淨內外成真天無氛穢地絕妖塵  
琳琅振響十方肅清萬魔不干真誠上徹令  
臣所啓速達徑御

太上無極大道至真三寶上帝

九宸帝君

御前

請稱法位

具位臣某與臨壇官衆等今故燒香願以是  
功德上爲

天子王侯土地官長經籍度師及山林岩棲

學真道士同學之人九親門族天下人民蚩  
飛蠢動一切衆生今故燒香皈身皈神皈命  
無上靈寶至真自然大道九宸帝真乞丐原  
赦前生今世宿罪重過得免離三惡之道五  
苦八難九厄之中臣身得道真白日升天飛  
行虛空侍衛道君逍遙无上金闕七寶自然  
宮殿永與道合所啓玄感上御  
至真无極道前

愛三

二

禮方

坐懺

臣法衆等至心皈身皈神皈命

十方无極大道太上靈寶天尊以今宿啓告  
齋焚香禮懺臣聞雷霆有赫霈甘澤於洪垓  
雨露无私降靈光於紫極欲致皈依之請將  
伸懇禱之誠敢遡玄穹俯摠丹悃猶慮臣等  
五官外蕩六府中迷身口意之紛葩流吹未  
覺精炁神之象罔混化无靈曾祈澡雪以回  
真庶使澄清而滌妄克消五累獲證三華端  
玉色於螭坳對揚有翼奉金光於龍陛應感  
无違臣等志心稽首禮謝

悉上至真三寶

三啓

樂法以為妻  
愛經如珠玉  
持戒制六清

念道遣所欲  
澹泊正氣停  
蕭然神靜默

天魔並敬護  
世世受大福

又

受三

三

鬱鬱家國盛  
濟濟經道興  
天人同其願

縹緲入大乘  
因心立福田  
靡靡法輪升

七祖生天堂  
我身白日騰

又  
又

大道洞玄虛  
有念无不契  
煉質入仙真

遂成金剛體

超度三界難

地獄五苦解

悉歸太上經

靜念稽首禮

三禮

臣等志心稽首禮

太上无極大道

臣等志心稽首禮

三十六部尊經

臣等志心稽首禮

玄中大法師

重稱法位



具位臣某與臨壇法衆等謹重誠上啓

太上元極大道虛无自然元始天尊太上大  
道君太上老君昊天玉皇上帝高上神霄玉  
清真王長生大帝東極青玄上帝九天應元  
雷聲普化天尊九天雷祖上帝上清紫微碧  
玉宮太乙大天帝六天洞淵大帝六波天主  
帝君可韓司丈人天尊九天採訪使天尊雷  
霆九司諸天省府東華西靈執職真衆洞天  
福地四海四瀆溪澗潭洞主宰龍神社稷山  
川城隍里域三界官屬一切真靈臣等草莽

微生蓬茅陋質幸依昌運獲奉玄宗三洞龍  
章荷師陶而面授九清鳳檢藉天啓以心傳  
宜獨笑於雲林迺同流於塵網功无分寸過  
有淵陵尚涵育於皇靈俾緝熙於帝載濟人  
利物承德宣符凡有皈投敢忘關告今奉詞

卷三

四

旨所盍上聞

宣詞

按如詞旨備極忱恂臣等潔已朝元齋心拱  
極依虛无雲霞之座遵元始雷霆之經鋪設  
寶齋恢張瓊範三成赫奕垂旌葆以飄揚九

奏琳琅列幡花而容與玉炬燦虬龍之麗金  
缸騰鸞鳳之華圓壁翰誠方縉効款自今月  
某日爲始崇建雷霆妙齋若干晝夜祈恩請  
命謝過殫誠願霖雨之霽霓救旱炎之苦惱  
恪施帝力曲就農功恩惟无上法王至真教  
主垂慈鑒映省覽所陳勅勒靈寶官僚玄元  
曹屬雷司官將雨部神祇協力同心掃魔試  
於內外運元會道契靈識於人天令臣等五  
炁安閑百關泰定操存御達合神景於丹元  
啓奏感通達靈光於紫禁圓成膏雨甦濟炎

煩蒙如激切之忱允拜提攜之造明晨行道  
續更啓聞臣誠惶誠恐稽首頓首再拜以聞

### 發願

一願乾坤明素

二願氣象清玄

三願聖人萬壽

四願化洽八埏

五願天垂甘露

六願地發祥煙

七願四時應候

八願萬物生全

九願家多孝悌

十願國富才賢

十一願齋功廣被

十二願善瑞日臻

存神燒香

香官使者左右龍虎君侍香諸靈官當令臣  
宿啓建壇之所自然生金液丹碧芝英百靈  
雷君交會在此香火爐前令臣等學道得道  
求仙得仙齋官蒙福幽顯沾恩十方仙童玉  
女接待蘭煙向來所啓速達徑御

太上無極大道至真三寶上帝  
九宸帝君御前

出堂頌

引至幕

謝師

靈寶領教濟度金書卷之二百二十八

靈寶領教濟度金書卷之二百二十九

洞微高士開光救苦真人竊全真授

靈寶通玄弘教水南先生林靈真編

科儀立成品

雷霆齋用

散壇儀

燒香頌

各禮師存念如法

宣衛靈呪

五星列照 煥明五方 水星却災 木德致昌

熒惑消禍 太白辟兵 鎮星四據 家國利亨

名刊玉簡字錄帝房乘飈散景飛騰太空  
出入冥無遊宴十方五雲浮蓋招神攝風  
役使萬靈上衛仙翁和與道合真

鳴法鼓二十四通

無上三天玄元始三炁太上老君召出臣身

愛三一

六

中三五功曹左右官使者侍香金童傳言玉  
女五帝直符直日香官各三十二人出出者  
嚴裝關啓玄壇天帝神君當召此間土地里  
域真官正神急上關啓臣今奉為入意以今  
散壇行道願得

玉清道炁靈寶妙光下降流入臣等身中即  
使玄壇清淨內外成真天無氛穢地絕妖塵  
琳琅振響十方肅清萬魔不干真誠上徹令  
臣所啓速達徑御  
太上無極大道至真三寶上帝

九宸帝君御前

請稱法位

具位臣某與臨壇官衆等今故燒香願以是  
功德上爲

天子王侯土地官長經籍度師及山林岩棲



學真道士同學之人九親門族天下人民蚘  
飛蠢動一切衆生今故燒香皈身皈神皈命  
無上靈寶至真自然大道九宸帝真乞丐原  
赦前生今世宿罪重過得免離三惡之道五  
苦八難九厄之中爰三臣身得道真白日升天飛  
行虛空侍衛道君逍遙无上金闕七寶自然  
宮殿永與道合所啓玄感上御  
至真無極道前

禮方

坐懺

臣法衆等至心皈身皈神皈命

十方無極大道太上靈寶天尊以今散壇解  
席焚香禮懺臣聞玄壇建設祈精禳以潛通  
丹笈恢張幸蕃釐之曲暢宣頤忭懽之力不  
勝激越之私既畢朝儀再殫卑悃猶慮臣等  
望洋知愧涉水懷慚威儀自然莫罄對揚之  
妙存念如法未符應感之玄懼貽玉律於女  
青徒暢金科於大赤尚祈聖宥曲逭愚蒙施  
化雨以潤蒼生誓依惠澤扇玄風而提黃混  
永奉宸嚴臣等志心稽首禮謝

無上至真三寶

三啓

三禮

重稱法位

具位臣某謹重誠上啓

太上无極大道虛無自然元始天尊太上大

道君太上老君昊天玉皇上帝高上神霄玉

清真王長生大帝東極青玄上帝九天應元

雷聲普化天尊九天雷祖上帝上清紫微碧

玉宮太乙大天帝六天洞淵大帝六波天主

帝君可韓司丈人天尊九天採訪使天尊雷

靈九司諸天省府東華西靈執職真衆洞天  
福地四海四瀆溪澗潭洞主宰龍神社稷山  
川城隍里域三界官屬一切真靈臣等芻狗  
无知木雞未粹幸叨正化獲奉真乘佩八會  
之瑤圖莫明玄妙振九光之琅策未究希夷

愛三

八

尚營塵棘以卑棲莫拊煙林而高蹈天恩春  
育地禁海涵誓殫圭黍之愚功庸佐立淵之  
聖澤承符寅亮宣德生成今奉來詞敢忘關  
奏

宣詞

按如詞言備殫衷素臣等竭躬盡瘁勵志宣  
勞營八陛以鋪張旁敷琅座崇十門而建設  
中拱瓊臺遵九靈豁落之圖輅列御飛玄之  
位紋繒効信玉璧投誠寶齋經按於雷霆玉  
範壇昭於日月千枝焰馥煥神景於金篝百  
和膏芬耀靈光於瑤鼎自今月某日爲始肅  
建雷霆妙齋幾晝夜仰徽宸澤俯潤農功驅  
旱魃以除妖役神龍而降惠即甦焦槁普救  
旱傷曲荷慈悲俯垂鑒映沾體塗足四郊多  
河溢之聲捧腹舒眉十里慶泉流之喜嘉禾

遍綠良穀還青永无飢饉之憂允拜裁成之  
造以今雲鏞息響月磬收音荷滂沛於恩私  
已慶成於齋事天人欣幸遐邇交歡其有建  
齋之初上請三洞兵馬九天仙靈監齋衛真  
侍香護道山林僚佐社稷神聽風雨職司雷  
爰三壇席委有功勤謹拜進言功之  
九表文加勲遷賞乞準太真之典格進秩升班  
臣等進止違科俯仰犯戒三官五帝慮黑簡  
之書愆九府四司懼玄編之糾過亶祈覆育  
庶獲生全所有表文謹當宣奏

宣表

發願

存神燒香

香官使者左右龍虎君侍香諸靈官當今臣  
散壇之所自然生金液丹碧芝英百靈衆真  
交會在此香火爐前令臣學道得道求仙得  
仙齋官受福幽顯沾恩十方仙童玉女接待  
蘭煙向來所啓速達徑御

太上無極大道至真三寶上帝

九宸帝君御前

太上皇帝出堂頌

引至幕

太上無謝師

蘭聖向

靈寶領教濟度金書卷之二百二十九





